



Siverth K. Heilmann

21. Maj 2019
UPA 2019/220

Angajoqqaat atugarisaannik ilisimasaqarfimmik qitiusumik katersuiffeqalernissaannik pilersitsisoqarnissaannik apeqquteqaat aallaavigalugu oqallisissiatut siunnersuut. Oqallisiatut siunnersuutip siunertarissavaa angajoqqaat atugarisaannik ilisimasannik katersuiveqalernerup kingunerisaannik Angajoqqaat illersuisuanik pilersitsinissamut tunngavissaqalernissaq.
(Inatsisartuni ilaasortaq Jens NapätôK', Partii Naleraq)

Siunnersuuteqartoq Atassut-miit qutsavigaatsigit oqallisissiaqarnerit pillugu, imatullu naatsumik oqaaseqarfigissavarput.

Kiammi innuttaasup politikerilluunniit soqutigissanngilaa sulissutigerususanagulu, ilaqtariit peqqissuunissaat atugarissaarnissaallu. Qujasariaqarpugut ilaqtariippassuaqarmat atugarissaartunik ajoraluartumilli aamma assigiinngitsunik patsiseqartumik ilaqtariittut ingerlalluarunnaarsimasunik.

Meeqqiorniarutta apeqquserneqarsinnaanngilaq, perorsaalluarnissarput namminiilernissaatalu tungaanut isumagilluassallugit. Aap nassuerutigisaqaarput ajoraluartumik angajoqqaat tamarnik atugarissaartuunngitsut, meeqqat atornerlunneqarsimasut minnerusumik annerusumilluunniit manna oqaluttarfik atorlugu eqqartortuakkagut innersuussutigiinnarsinnaavagut.

Inatsisartuni Kommuune-nilu politikikkut sulinitinni pisussaaffeqareerpugut inuit ikiortariallit annertuumik oqilisaannissaannut. Angajoqqaarpassuaqarpoq sulilluartunik meeqqamillu atugarissaarnissaannut pingaartitsisunik, akerlianilli aamma siunertamut tassunga piumassuseq annikittarluni.

Atassut-miit isumaqarpugut, ilaqtariit peqqissut sulisinnaasut atugarissaarnissaallu politikikkut ataatsimoorfigineqarnissaat pingaarnersaasoq avaqunneqarsinnaanngitsorlu.

Aap meeqqat illersuisoqarput il. il. aammalu Atassut-ip anguniarpaa utoqqaat illersuisoqalernissaat. Siunnersuuteqartup partiinut apeqqutigaa, angajoqqaat atugaannik ilisimasannik qitiusumik katersuiffimmik pilersitsinissamut, illersuisoqalersinnaanerat qanoq isumaqarfigineripput.

Angajoqqaat atugaat pillugit kommuunet ilisimasarpassuaqarput aammalu inatsisit ataanni pisariaqartitsisoqartillugu naleqqussarneqaannartaratik ikiorserneqartartunik.